

四庫全書

集部

欽定四庫全書

兩宋名賢小集卷一百九十

宋 陳思 編

元 陳世隆 補

茶山集

曾幾字吉甫河南人幼有識度入太學有聲以兄弼
恤恩授將仕郎試吏部優等賜上舍出身擢國子正
歷校書郎林靈素得幸徽宗朝士爭趨之幾與李綱

傅崧卿皆稱疾不往視久之為應天少尹歷江西提
刑兄禮部侍郎開與秦檜力爭和議去位幾亦罷逾
月除廣西轉運副使徙京南路請開得崇道觀復為
廣西運判固辭僑居上饒檜死起為浙西提刑知台
州賀允中薦召對以疾辭除直秘閣歸故治未幾復
召對幾言士氣久不振陛下欲起之於一朝矯枉者
必過直雖有折檻斷鞅牽裾還笏若賣直干譽者願
加優容時高宗懲檜擅權方開言路故幾先事陳之

授秘書少監幾承平時已為館職去三十八年而復至
鬚鬢皓白衣冠偉然每會同舍多談前輩言行臺閣典
章薦紳推重焉權禮部侍郎兄楸開皆為是職人以為榮
引年請謝曰臣無補萬一惟進退有禮尚不負陛下
拔擢上閔勞以事提舉玉隆觀後陞至敷文閣待制
金犯塞定議親征有欲遣使詣敵求緩師者幾疏為
朝廷計正當當膽枕戈專務節儉經武外一切置之
且前日詔諸將傳檄數金君臣至同謾罵何辭可與之

和耶帝壯之孝宗受禪將召屢請老乃遷通奉大夫
致仕卒年八十二諡文清幾事親孝母死蔬食十五
年任嶺表家無南物人稱其廉早從舅氏孔文仲武
仲講學文從劉安世胡安國游其學益粹為文純正
雅健詩尤工有經說二十卷文集三十卷子逢至司
農卿遂終數丈閣待制而逢最以學稱

嶺梅

蠻煙無處洗梅蘂不勝清顧我已頭白見渠猶眼明折來

知韻勝落去得愁生坐入江南夢園林雪正晴

鄧帥寄梅併山堂酒

甌社湖邊路詩筒得報回舊時雲液酒新歲雨肥梅不
是園官送真成驛使來鬢毛都白盡更著此花催

雪中登玉正中書閣

對雪誰堪語登樓似欲仙人家修月戶丈室散花天峰
疊鈎簾外江橫隱几前寒深落雁渚清集釣魚船解病
從摩詰消愁得仲宣展書明細字烹茗濕疎煙月好還

同夢詩成已上弦明年倘相憶為一到關邊

喻子才提舉招昌源觀梅倦不克往蘇仁仲有詩

次韻

問君何許看花回臘說郊垌十里梅樹雜古今他處少
枝分南北一齊開昌源已辦行厨去離渚猶煩使節來
況復蘭亭公所葺清流九曲要傳杯

上元日大雪

勾芒整轡決辰間雪片相隨大可觀挑菜園林有餘潤

燒燈庭院不勝寒
柳條弄色正爾好
梅蕊飄香殊未闌
便是落花飛絮去
直疑春事併衰殘

食笋

花事闌珊竹事初
一番風味殿春蔬
龍蛇戢戢風雷後
虎豹斑斑霧雨餘
但使此君常有子
何憂每食歎無魚
丁寧下里須留取
障日搖風却要渠

長至日述懷兼寄十七兄

老來逾覺白駒忙
眼看重陽又一陽
心似死灰飛不起

枝如寒日短初長
厭看賓客空投謁
強對妻孥舉觴
回首山陰酬勸地
應憐鴻雁不成行

壬戌歲除作明朝六十歲矣

禪榻蕭然丈室空
薰銷大冷閉門中
光陰大似燭見跋
問學未如船送風
一歲臨分驚老大
五更相守笑兒童
休言四十明朝過
看取霜髯六十翁

歲盡

漏箭更籌日夜催
萬牛那挽白駒回
梅花雪片歲除盡

萱草柳芽春鼎來病裏詩書原不讀貧中樽俎未曾開
年光似此真虛擲請以丹心學死灰

自七月二十五日大雨三日秋苗蘇喜而有作

一夕驕陽轉作霖夢回涼冷潤衣襟不愁屋漏牀牀濕
且喜溪流岸岸深千里稻花應秀色五更桐葉最知音
無田似我猶欣舞何況田家望歲心

謝人送壑源絕品云九重所賜也

三伏汗如雨終朝霑我裳誰分金掌露來作五溪涼別

甌軟炊飯小爐淡炷香麴生何等物不與汝同鄉

廸姪屢餉新茶

吾家今小阮有使附書頻喚起南柯夢持來北焙春
顧予多下駟況復似陳人非爾能分少其誰遣食新

敕厨羞煮餅埽地供爐芬湯鼎聊從事茶甌遂策勲
興來吾不淺送似汝良勤欲作柯山點當令阿造分

述姪餉日鑄茶

寶勝自不乏山芽安可無子能來日鑄吾得具風爐夏

木嘯黃鳥僧窗行白駒談多思坐睡此味正時須

次韻雪中

積雪何所待凍雲終未開有時聞瀉竹無路去尋梅只
欲關門卧誰能蕩漿來辟寒須底物正乏麴生才

種竹

近郊宜竹樹手植滿庭隅餘子不足數此君安可無風
來當一笑雪壓要相扶莫作封侯想生成鄙木奴

乞筆

市上無佳筆營求亦已勞護持空雪竹束縛欠霜毫此
物藏三穴須公拔一毛不堪髯主簿取用價能高

巖桂

粟玉粘枝細青雲剪葉齊團團巖下桂表表木中犀江
樹風蕭瑟園花氣慘淒薰濃不如此何以慰幽棲

曾宏父分餉洞庭柑

黃柑送似得嘗新坐我松江震澤濱想見霜林三百顆
夢成羅帕一雙珍流雲嚙霧真成酒帶葉連枝絕可

人莫向君家樊素口
瓠犀微嚙遠山顰

荔子

異方風物鬢成斑
荔子嘗新得破顏
蘭蕙香浮襟解後
雪冰膚薦酒醒間
絕知高韻傾瑤柱
未覺豐肌病玉環
似是看來終不近
寄聲龍目漫追攀

郡中禁私釀嚴甚戲作

結交歡伯無他腸
小槽竊比顧建康
此身忽墮禁酒國
何路得到無功鄉
官酤快甚夏酌水
齊釀慳於冬顧

湯客來且復置是事北焙薦碗春風香

避寇遷居郭內風雨淒然鄭簡道餉酒

煙雨昏昏二月梅全家避寇寄城隈欲尋碧落侍郎去
遽沐青州從事來令我妻孥爭洗盞想公伯仲正傳杯
安能鬱鬱久居此且傍茶山松逕回

返魂梅

逕菊庭蘭日夜催禪房未合有江梅香全正作依稀似
花巧能令頃刻開却笑巫陽真浪下寄聲驛使未須來

為君浮動黃昏月
挽取林逋句法回

瓶中梅

小窗冰水碧瑠璃
梅花橫斜三四枝
若非風日不到處
安得色香如許時
神情蕭散林下氣
玉雪清映閨中姿
陶泓毛穎果安用
疎影寫盡無聲詩

雪作

卧聞惟霰却無聲
起看堦前又不能
一夜紙窗明似月
多年布被冷於冰
履穿過我柴門客
笠重歸來竹院僧

三白自佳情亦好諸山粉黛見層層

送倉部呂治先守齊安

齊安剖竹要循良分付吾家坦腹郎
騰有江南連赤壁終稀訟獄到黃堂
鈴齋晝永宜深念邊鎖秋高合過防
此地元之遺烈在風流容易鬢毛蒼

十月一日

屋角羲娥轉兩輪今朝水帝又司辰
山家嘗稻知良月野徑尋梅見小春
一歲坐看除得盡百年正與死為隣

誰能思許無窮事
閑閣開爐但飲醇

仲夏細雨

霖霖無人見
芭蕉報客聞
潤能添硯滴
細欲亂爐薰
竹樹驚秋半
衾裯愜夜分
何當一傾倒
趣取未歸雲

憫雨

梅子黃初徧
秧斜綠未抽
若無三日雨
那復一年秋
薄晚看天意
今宵破客愁
不眠聽竹樹
還有好音不

郡中吟懷玉山應真請雨未沾足

憫雨連三月為霖抵萬金小垂開士手足慰老農心果
欲十倉積猶須一尺深病夫渾不寢危坐聽佳音

苦雨

儘道迎梅雨能無一日晴窗昏愁細字簷暗亂疎更未
怪蛙爭席真憂水冒城何由收積潦簫鼓賽西成

晚雨

蕭瑟度橫塘霏微映繚牆壓低塵不動灑急土生香聲
入楸梧碎清分枕簟涼回頭忽陳迹簷角掛斜陽

夕雨

屣履行莎徑移牀卧草亭風聲雜溪瀨雨氣挾龍腥
眩空中電昏昏雲罅星徂年又如許吾鬢得長青

雨二首

秋冬久不雨氣濁喜雲生麥壠崇朝潤茅簷徹夜聲
初來斷幽徑漸密雜疎更賴有墻陰薺離離已可烹
薄晚初霑灑清晨更慘淒魚寒拋餌去鴉濕就簷棲幽
澗濺濺溜長堤淺淺泥一杯持自賀吾事在鋤犁

雨夜

一雨遂過夕安眠失百憂窗扉淡欲曉枕簟冷生秋
畫燭爭棋道金樽數酒籌依然錦城夢忘却在南州

秋雨排悶十韻

今夏久無雨從秋却少晴空濛迷遠望蕭瑟送寒聲
衣潤香偏著書蒸蠹欲生壞簷聞瓦墮漲水見堤平
溝溢池魚出天低塞雁征螢飛明暗廡蛙鬧雜疎更藥
物時須焙舟閒任自橫永憂荒楚菊直恐敗吳秔
夜永燈相

守愁深酒細傾浮雲會消散鼓笛賽西成

寒食日風雨不已

年光胡不少留連熟食清明又眼前敢望深宮傳燭燭
可堪小市禁炊煙滿城風雨無杯酒故國松楸欠紙錢
老病心情冷時節只將書策替幽禪

乙卯歲江南大旱七月六日臨川得雨奉呈仲喜
侍郎

縹緲爐煙上帝閣朝來一洗汗如焚壠頭無復成龜兆

水面初看起縠紋正使夏畦炊白玉未妨秋稼刈黃雲
使君憫雨心猶在化得邦人不茹葷

吳傳朋送惠山泉兩瓶并所書石

錫谷寒泉雙玉瓶故人捐惠意非輕疾風驟雨湯聲作
淡月疎星茗事成新歲綱頭須擊拂舊時水遞費經營
銀鈎蠅尾增奇麗併得晴窗兩眼明

逮子得龍團勝雪茶兩勝以歸予其直萬錢云

道人尤物衆談誇持以趨庭意可嘉鮮菜自無三九種

龍團空取十千茶烹嘗便恐成災怪把玩那能定等差
賴有前賢小團例一囊淡貯只傳家

李相公餉建溪新茗奉寄

一書說盡故人情閩嶺春風入戶庭碾處曾看眉上白
分時未見眼中青飯羹正晝成空洞枕簟通宵失杳冥
無奈筆端塵俗在更呼活水發銅瓶

家釀紅酒美甚戲作

麴生奇麗乃如許酒母穠華當若何向人自作醉時面

遣我寧不蒼顏酡得非琥珀所成就更有丹砂相盪磨
可憐老杜不對汝但愛引頸舟前鷺

諸人見和再次韻

蠟炬高花半欲摧斑斑小雨學黃梅有時燕寢香中坐
如夢前村雪裏開披拂故令攜袖滿橫斜便欲映窓來
重簾幽戶深深閉亦恐風飄不得回

雪後梅花盛開折置燈下

滿城桃李望東君破臘江梅未上春窓前數枝逾靜好

園林一雪倍清新已無妙語形容汝不用幽香觸撥人
迨此暇時當舉酒明朝風雨恐傷神

十二月六日大雪

薄暮蓬山下直餘笑看六出點衣裾絮飛簾外無縈絆
花落堦前不掃除松鬣垂身全類我竹頭搶地最憐渠
短檠便可捐牆角剩有窓光映讀書

八月十五夜月二首

玉露金波不可孤相瞻今夕定何如氛埃未淨雨前洗

陰翳小留風掃除丹桂看來元了了白榆種得許疎疎
一杯濁酒非難事未有新詩報答渠

雲日晶熒固自佳幽人有待至昏鴉遠分岳際松楓樹
復亂洲前蘆荻花曳履商聲憐此老倚樓長笛問誰家
霜螯玉柱姚江上作意三年醉月華

癸未八月十四日至十六夜月色皆佳

年年歲歲望中秋歲歲年年霧雨愁涼月風光三夜好
老夫懷抱一生休明時諒費銀河洗缺處應須玉斧修

京洛風塵滿人眼不知能似浙江不

送曾宏父守天台

莫作陽關墮淚聲丹丘勝事要君聽興公賦裏雲霞赤子
美詩中島嶼青天近豈無宣室召地偏猶有草堂靈鑒
坡飛上勤回首記取來遊舊客星

適越留別朱新仲

扁舟綠漲漕渠時解釋離懷正用詩管鮑交朋無變態
朱陳嫁娶有佳期長洲茂苑著身久秦望鏡湖行脚宜

欽定四庫全書

蘇軾名集卷之九

二浙中間方一水短書莫使寄來遲

福帥張淵道送荔枝

豈無重碧寶瓶罍難得輕紅薦一杯
千里人從閩嶺出三年公送荔枝來
玉為肌骨涼無汗雲作衣裳皺不開
莫訝闕情向尤物厭看綠李與楊梅

荔子

百年中半飽聞渠名下親承果不虛
可愛風流元有種自然富貴乃其餘
肯隨妃子紅塵驛甘伴先生白鶴居

可惜不經山谷賞
照紅鴨綠定何如

高郵無梅求之於揚帥鄧直閣

送臘臘垂盡迎春春欲回
如何萬家縣不見一枝梅
有客幽尋去無人遠寄來
揚州何遜在正用小詩催

所種竹鞭盛行

獨繞篋簾徑令人喜欲顛
已持蘇老節更著祖生鞭
旁舍應除地新梢擬上天
真成特夜卯煨茁想明年

榴花

樹陰看已合榴朶見初明當夏豈無意避春真有情花
雖後文杏實可得瓊橙病叟緣何喜留苔看落英

螢火

渾忘生朽質直擬慕光輝解燭書惟靜能添列宿柿當
風方自表帶雨忽成微變滅都無理榮枯會一歸

蛺蝶

不遂春風去仍當夏日長一隻還一隻能白或能黃戀
戀不能已翩翩空自狂計功歸實用終是愧蜂房

聞寇至初去柳州

剝啄誰敲戶蒼茫獨抱衾只看人似蟻共道賊如林兩
岸俾千里扁舟抵萬金病夫柔下戀萬一有佳音

李泰發參政得旨自便將歸以詩迓之

苦遭前政墮危機二十餘年詠式微天上謫仙皆欲殺
海濱大老竟來歸故園松菊猶存否舊日人民果是非
最小郎君今弱冠別時聞道不勝衣

次韻王元勃問予齒脫

齒危但以粥充虛辜負公家夏屋渠政恐麴生真作祟
可憐髯簿頓成疎動搖不減韓吏部跼蹐非勤焦校書
落勢今年殊未已祇應從此併無餘

荔子六言

蕉葉定成噲伍梅花應愧盧前金谷危樓魂斷白州舊
井名傳

張子公召飲靈感院

竹輿響肩櫓啞嘔芙蓉城曉六月秋露華猶泣草光合

晨氣欲動荷香浮給孤獨園賴君到伊蒲塞供為我修
僧窓各自占山色處處熏爐茶一甌

南山除夜

薰風吹船落江潭日月除盡猶湖南百年忽已度強半
十事不能成二三青編中語要細讀蒲團上禪須飽參
兒時顏狀聽渠改瀟湘水色深按藍

絕句

自公退食入僧定心與香字俱寒灰小兒了不解人意

正用此時持事來

讀呂居仁舊詩有懷其人作詩寄之

學詩如參禪慎勿參死句縱橫無不可乃在歡喜處人如學仙子辛苦終不遇忽然毛骨換正用口訣故居仁說活法大意欲人悟常言古作者一一從此路豈惟如是說實亦造佳處其圖如金彈所向若脫兔風吹春空雲頃刻多態度鏘然奏琴筑間以八珍具人誰無口耳寧不起欣慕一編落吾手貪讀不能去嘗疑君胸中食

飲但風露經年闕親近方寸滿塵霧足音何時來招喚
亦云屢賤子當為君移家七閩住

汪彥章內翰除守臨川以詩賀之

臨川內史詔除誰里巷傳聞報客知金馬門深曾草制
水晶宮冷近題詩行看畫隼旌旗入定把書麟筆札隨
若訪毘耶舊居士無人問疾鬢成絲

三衢道中

梅子黃時日日晴小溪泛盡却山行綠陰不減來時路

欽定四庫全書

正本名聞小集
卷一百九十

添得黃鸝四五聲

題友直軒

友義喪未久琢磨復誰能
金鈎被采綠絕棄朱絲繩
直哉少稷甫一室清於冰
危坐對書帙曲几非所凭
日暮無人來疎籬上寒藤
惟有手種竹挺然得其明
風低與雪重搶地如弗勝
正使可斷折此姿諒誰凌
物或亂真贗君其別淄澠
攘羊而證父是子烏足稱
所以貴溫潤不令見觚稜
要我細商畧此言有師承

龍溪新亭

不識梯山路今聞架壑橋蛟龍深窟宅松竹半雲霄與
子成二老由來非一朝崖藤如暫寄還往肯辭遙

子猷橋

小艇相從本不期剡中雪月並明時不因興盡回舟去
那得山陰一段奇

法華山

布襪青鞵蹋欲無看山看水未成疎十峰雙澗尤奇處

欽定四庫全書

蘇軾詩集
卷一百九十

萬壑千巖總不如

剡溪竹紙三首

會稽竹箭東南美來伴陶泓住管城可惜不逢韓吏部
相從但說楮先生

會稽竹箭東南美化作經黃紙疊層舊日土毛無用處
剡中老却一溪藤

會稽竹箭東南美研席之間見此君為問溪工底方法
殺青書字有前聞

謝路憲送蟹

從來歎賞內黃侯風味尊前第一流只合蹣跚赴湯鼎
不須辛苦上糟丘

山谷以竹夫人為竹奴余亦名脚婆為錫奴戲作
絕句

霧帳桃笙晝寢餘此君那可一朝無秋來冷落同班扇
歲晚溫柔是錫奴

放猿

欽定四庫全書

卷一百九十

孤猿鎖檻歲年深
放出城南百丈林
綠水任從聯臂飲
青山不用斷腸吟

過水東

出郭市聲遠過溪
山色多稻畦春足
雨野水晚迎波客
自無軒冕今誰在
澗阿相逢不相識
歸去夢松蘿

寄空同山中道士

昨夜清霜重念此
山中客落葉聚堆
牀暗蟲吟敗壁沈
寥天宇肅疎林風
瑟瑟曳杖挂詩瓢
悠然適所適息心

歸冥漠山深萬籟寂散髮排天闥叱咤鞭龍脊何時共
采藥相與對晨夕月夜拱洪崖嘯咏鏗金石

三霄亭和韻

新亭崛起最高峯無數遙岑翠掃空恐有謝公留屐齒
為開摩詰畫屏風倚江楊柳自高下照水杏花能白紅
正欠渭川千畝竹清陰分借賴鄰翁


參雲亭

大暑不可避微涼安可尋雲亭非濁世竹樹有清陰海

近風先集山高日易沉無因見明月螢火亂更深

平橋

浪說吾邦小清池詩有餘水風涼枕簟荷氣馥衣裾客
侶經過少官曹簿領疎良辰不行樂秋水落芙蓉



兩宋名賢小集卷一百九十

欽定四庫全書

集部

兩宋名賢小集卷一百九十三

詳校官中書臣孫溶

助教臣常循覆勘

總校官編修臣王燕緒

校對官助教臣汪錫魁

謄錄監生臣朱思

欽定四庫全書

兩宋名賢小集卷一百九十一

宋 陳思 編

元 陳世隆 補

方壺存稿一

汪莘字叔耕休寧人卓犖負俊才不屑習舉子業隱居黃山好讀易於諸子百家之書靡不研究嘉定間詔求直言莘三叩闕陳天變人事民窮吏汙之弊行

師布陣之法不報時晦菴朱子召赴經筵華致書言
財不待先生而富兵不待先生而彊惟主上父子之
間諸公所不能濟者待先生而濟朱子深然之後徐
貳卿詣帥江東聞其履行高潔將以遺逸薦未果晚
年結廬柳塘自號方壺居士其詩造境生而出語險
不拘繩墨法度自為方壺一家言

水天月歌

朝立寒溪東暮立寒溪西一到神頓領熟視眼更迷水

光不見水但見青光無表裏天光不見天但見一片清
煙涵無邊水中有天天不濕天中有水水不入天耶水
耶墮渺茫只是天光與水光月來水天中水天裏月如
不裏月去水天中水天鎖月如不鎖明月不來不去時
琉璃泡中珠一顆先是水天莫分別更添月色更親切
水色天色月色劈不開水光天光月光拈不來夢中酒
渴不可忍一口吸下驪龍腮

方壺自詠十首

性靜無一物心生有物端曾將魂魄鍊不被鬼神瞞縱
步地雖窄仰頭天自寬裁詩偏得偶遇卦只成單

三萬六千刻四千三百時不思人事汨只怪歲華馳拚
命嘗因道忘家亦為詩幽懷聊自遣俗子莫令知

生死何時了盈虛祇足傷誰能一刻靜大勝百年忙反
已求中帝逢時說外王紛紛徒籍籍踴躍亦涼涼

事體向晚境情懷非少年生平不得地至死亦由天生
背暑彌勝行膺寒愈堅願言過去苦莫與後來賢

白晝常陪俗清宵得養魂幾時成草屋終日掩柴門事
迫文方出身閒道始尊世方懷祖述吾已弔劉琨
無象始無假有形斯有邪盈虛憐日月聚散笑煙霞一
性亦無我五行何況他誰能離火宅吾與上牛車
殘臘天垂老新春日始孩元君歸渾沌青帝出胚胎樓
上獨倚處海邊相見來閒思栽五柳怒欲拔三槐
百歲已過半隻身誰與偕得因微悟道失在太開懷且
託山花宿時從水竹齋神回天上活骨付月中埋

興發花開處情生葉落邊既為欣厭惑未脫死生纏鑿
破心中月衝開頂上天俗儒應大笑古佛不曾傳
誰和陽春曲仍操白雪音郊寒猶有骨島瘦未無心雲
到散時看月當虧處尋可憐持玉尺終不度金針

書十首後

直寫胸中事誰拈紙上塵興來那暇懶得處不容塵行
有鬼神覩詩防天地嗔歐蘇尋後輩郊島是前身

羣玉堂即事

真直院德秀招飲於羣玉堂自陳秘監武李秘
閣道傳任侍講希夷而下有丁大著端祖宣校
書縉曾侍郎從龍劉祭酒次舉凡八人當日相
引臨池看金魚撫琴壺奕碧牋小紙吟詩誦賦
諸公或誦余詩或誦余賦皆當日事也賦詩以
紀一時之事併致懷歸之意

蓬萊道山到者稀忽隨颿駕同來歸天橫閬野望不盡
地絕瀛海如無依初得松門入蕭瑟漸遶苔徑穿芳菲

奇花異卉不可識但覺春是人間非高簷長廊白日靜
朱簾綠幕清風微仰觀羣玉三大字始憶上帝書所儲
赤圖綠牒文字古空桑孤竹音調希飲中八仙各灑落
瓊林風月相光輝坐而投壺妙貫耳立而對奕工解圍
吟詩誦賦清且永何事顧我頻獻歎君不見咸平景德
時太平都在楊劉詩又不見慶厯元祐際後來誰與歐
蘇繼只今延閣多才賢如玉在山珠在淵楊劉歐蘇未
為老秦黃諸人俱少年有客野於孟東野更宜盧仝作

詩社碧牋小紙辱佳命青林紫筆令揮寫君山天酒澆
枯腸吸盡一架醪醕香贈君千歲白鹿健報我三尺金
魚光羽陵蠹簡非我處老上龍庭欲飛去鳳臺南軒又
招手第一內宅由來住東西南北身已老安得丹液還
元腦碧桃洞口花亂飛留待歸來不須掃

秋懷十首

形骸歎仄面皮黃破屋三間號柳塘自大暑來真畏暑
到微涼處便知涼

四野秋風交敝廬時平不用蘭相如有人來問生涯事
指點蓑衣學釣魚

秋雲無復似春濃天地何人到北窮斜日淡烟今古恨
如何都付與孤鴻

北渚風來禾葉秋洞庭波起夕陽收楚人臨水為誰立
帝子隔煙相對愁

自分為人類魯臯幾將心事汎吳舫手搏日月供宸筆
揀盡金雞玉兔毫

曾向瀟湘遇水仙
條來如月去如烟
深林一笑聞山鬼
余處幽篁不見天

傷春未了又悲秋
無復懽悰到酒舟
茅屋半歌籬半倒
伏羲一卷在牀頭

玉露金風刮夜天
疎桐缺月耿窓前
十詩未盡窮愁志
說與家僮汝自眠

一帶青巒失舊青
荻花楓葉夕陽明
閒思天上多官府
自是幽人道未成

虞帝周王不復生幾多豪傑應離明鳳凰覽遍真難合
直至而今欠一聲

別真直院西山

去年來見公畧以書自陳今年來見公知公意已親一
見為我喜再見為我顰溫存到風雨檢點及米薪會我
羣玉堂坐上皆偉人欲引野鶴姿軒昂出京塵公自哀
其窮我豈有足珍但願公富貴何憂我賤貧過從兩三
月意味十萬春將非前世緣更結來生因所恨難久留

歸理青溪綠公亦厭承明請牧江海濱嗟我老於行東
西足悲辛那宜種橘柚幸使守松筠

次潘別駕韻

野店溪橋柳色新千愁萬恨為何人殷勤織就黃金縷
帶雨籠烟過一春

潘別駕自祁門回

白馬嘶風入紫陽使君一笑別壺觴秋原是處堪圖畫
豆子花紅稻半黃

遊南山

山蹊黃葉從過滿石案蒼苔不用除
壇上古松巖畔竹
切須留伴老僧居

壽高內翰三首

胸次包天燭九垓正須博大濟時材
朝從碧落搏風角
暮汎靈槎出斗魁別墅已將修竹隱
朱門仍向鏡湖開
如今且為蒼生起一取前賢氣燄回

璞玉渾金表裏同心知言動有陰功
一門人傑是龍種

三世科名各繼宮華蓋共瞻天座北勾陳長扈帝垣中
野人只待秋風起去向西湖作釣翁

鶴立青松老令威佳辰山色倍清輝曾扶東壁排雲出
幾跨蒼龍帶雨飛竹簟水風須得意玉堂春日即催歸
願公與國為梁棟千載煌煌照太微

送趙君十絕

存八首

皂蓋朱轡練水濱春生秋殺總精神須知愛土何曾汎
屈指應無第二人

欽定四庫全書

卷一百九十一

醉把金鞭度綠楊
軍民夾道笛聲長
紅旗千面詩千首
半雜風雲入建章

荷花高高荷葉低
夕陽初落畫橋西
湖州士女來相接
爭擁蘭舟入霅溪

歸去苕溪理釣篷
風清月白水精宮
青蓮居士爭閒得
時答天書一兩通

風雨黃昏自掩扉
燈前時復一歔歔
兒曹相問緣何事
為道君侯早晚歸

一棹村醪揜別筵清風急雨送歸船望中未是湖州境
便有吳歌唱採蓮

練水至清無淺深使君何日再登臨請看江上千株柳
盡是居民離別心

有客胸藏太息書蕭蕭白髮不堪梳君王若問江東士
莫只相憐誦子虛

黃山高

新安黃山為吳越諸山之祖頃臨川孟侯在郡

欽定四庫全書

西華名集卷一百九十一

九

日怪余無黃山詩因賦此篇

黃山高哉巋然為江東之巨鎮兮壁立於兩浙之上游
摩天戛日以直上陽枝陰派盤數州四海不知雨根本
行人但覺雲飛浮嘗試芒鞋竹杖迨乎其間兮一溪桃
杏紅爛漫萬壑松栢寒飈飈懸崖絕磴可望不可到兮
古木倒挂險更適上有靈泉瀑布千萬道如銀河自天
爭瀉而競注兮砮雷濺雪隱現穿林幽中有青鸞黃鶴
千萬對雄唱雌和迭舞而交鳴兮深林自適復有雪白

數點之猿猴山中自昔無歷日花開葉落成春秋殘英
脫葉不知其所從來兮但見夫澗谷之間桃花如扇松
花如纛竹葉如笠蓮葉如舟菖蒲九節餵白鹿靈芝三
秀眠青牛人間三月春已暮洞中花卉春長留奇香異
氣逐風去散落塵世誰能酬黃山高哉雲際一峯尚可
畫雲外一峯畫不得霜縐鋪了掉首休丹砂一峯燭天
爭日月九龍一峯枝地張旂旒天都一峯傑出於三十
六峯兮星斗森羅挂珠殿日月對展瓊瑤樓中有一人

兮龍冠而鳳表左容成兮石浮丘我時收却釣竿樵具
作一束投諸曹阮溪中流浴余身兮湯泉風余袂兮帝
所鼓隱隱兮管啾啾兮水精盤兮碧玉甌帝酌我兮勞
我左右為余兮凝眸指余以南峯石壁記授余以紅鉛
黑汞大丹頭黃山高哉余將覽秀巢雲鍊其下坐令萬
物不疵癘黍稷盈疇

觀雪行

仙人剪冰銀河邊仙風吹散花聯翩明星撩亂入我眼

風緊一陣隨天旋如今誰卧剡溪雪如今誰訪山陰船
古人氣韻不可見曉來對此空悠然簷前未覺眼界豁
臨眺忽憶樓居仙若為留得數玉樹六月遶屋生清妍

秋興

閒步水南因水北仍從山後復山前日歸海底龍方覺
月到天心虎正眠

天外涵天心廣大月中吐月性光明夜來飛上崑崙頂
獨倚瓊樓肅一聲

金史卷一百九十一
卷一百九十一
一旦秋風起洛濱東歸即復寄鱸蓴如今已在漁鄉住
宜與清朝作散人

水邊楊柳怯秋風憶昨杏花相映紅心地不隨時節變
始知天下有英雄

羅衣嫋嫋帶涼風人道秋空豈是空白日不知天上事衆
星環拱紫微宮

七尺經霜翠竹竿斬來石壁釣江湍絲頭垂下驪龍口
掣得明珠似月寒

秋天尤覺曉天清
仰首看天俯首行
不但長歌聲似鶴
一身渾似鶴般輕

訪孟守

紫陽佳山水帝室雄垣藩
桑柘若雲屯梨棗如星環
邇來十四載有失漢詔寬
坐令隴畝上面作百摺酸
侯來自江西與物破險艱
處處春風村家家秋月灣
矧侯老儒術淵源起波瀾
文盟後韓孟詩社前張樊
賤子昔好學何理不仰鑽
風雷遠腸胃日月懸肺肝
宇宙在掌握

鬼神露毫端身由疾惡病家以論事殫天門守九虎歸
卧牛衣間誓欲滅此賊使天回正觀豫子欲趨趙鼎生
方入韓七首忽電掣鐵椎已雷鑽世無伯牙手鍾子每
長嘆世無子期耳伯牙淚空彈人生樂相知相知良亦
難不知起胡越相知同歲寒自侯之來矣願言識孔鸞
秋風動心氣朔雲資瘡毒及此春日舒扶病猶蹢躅怪
僕來何遲為僕留城闕見侯亦何為明珠傾月團見僕
亦何為伸此蛟龍蟠龜老設愈堅鶴老頂益丹自恨身

已老徒重鈍與頑終憶玉川子
干謁非所安山不養伯齡
伯齡不厭山

除日寄黥山周尊師

眼有神光射靄山不須更問列仙班
道人四海都遊遍只有先生一個閒

東行途中有感

一路桃花愁殺人柳塘茅屋正宜春
春風不是不相識不遣春風養病身

去昌化縣四十里留宿陳東魯南樓

碧玉山中白玉溪武陵村落午時雞南樓一覺春宵雨
夾路桃花送馬歸

壽高秘書

萬壑千巖映翠霞越王城下競傳誇青天白日秘書舫
乳燕鳴鳩內相家高浪趣潮滄海直大鵬橫擊五雲斜
自吹玉笛相為壽昨夜菖蒲吐紫花

訪湯倅

文者道之器詩者文之精世儒失本原謂以一技鳴僕
昔頗好學不與時俗并始求為已事中有濟物情靜與
古月俱動與秋陽行先聖此從容風流被後生身世兩
相違淹留竟何成一丘聊自適萬化爭逢迎天地動根
底動植陳性情日月顯處妙鬼神隱中明老佛既恍惚
諸子亦縱橫興衰雜今古憂豫難悉平時買白玉板寫
此朱絲聲似被天公嗔魑魅出見驚秋霜下黃葉春風
自抽萌蘭花待春風深林含芳馨屬聞賢別駕古學兼

欽定四庫全書

兩宋名賢小集
卷一百九十一

十四

韶謫仍聞吐佳句氣挾蘇州清今朝別柴扉匪敢投公
卿臭味畧相似長松與茯苓

懷朱晦菴先生

道在羲皇孰斷金至今出處合天心青山白雲有生路
流水落花無足音世外太古日色靜洞中一片春風深
自憐晚輩膺服久亦許杖履來相尋

壽何尚書

雪艇風帆去玉京故家猿鶴相歡迎九天氣母壺中足

十月嬰兒頂上行曾問何修能至此但須無欲自然成
夜來夢向山莊立一炷清香徹太清

寄商察院

飛卿
嘉
定四年秋

竊伏西湖雪鬢催長歌聲斷鬼神哀青天有月無人看
白帝行春待我來近水遠山俱冷淡敗荷孤葦尚低回
今朝欲向青門道出到踈籬意已灰

訪建康留守

敬公太古明月服愛公九天寒露漿畏公龍泉太阿劍

欽定四庫全書

兩宋名賢小集
卷一百九十一

喜公斑虎花蛇囊月中含月作懷抱露表滴露生清涼
風塵瀕洞要英傑太平潤色須文章公昔荷橐侍紫皇
公今握符坐建康綸巾羽扇夏日靜鳴鳩乳燕南風長
青天有月來堂堂白鷺分水鳴湯湯城頭獨立是誰子
身長七尺鬚眉蒼袖藏古劍咸陽市淚逐東風灑桃李
一心只望金陵飛未到三更已千里北斗錯落垂寒光
願公提起歸八荒刺人如影那見血激天孤竹和空桑
謁真直院柳花滿路口占一絕見直院誦之

三月天寒尚臘衣
錢塘游了嘆斜暉
欲見蘇小無由見
惹得楊花滿袖歸

真直院招飲道士羣
玉堂自陳秘監而下凡八人
坐上賦絕句

壓架春風十萬條
護簷霜幹自蕭蕭
一朝盡識羣賢面
陡覺星辰共碧霄

直院自言願所以相拯之意有非毫楮所可宣者
歸途口占一絕為寄

傾國佳人默怨天紅顏過了拜尊前世家大族多兄嫂
獨得公姑分外憐

訪曾侍郎

青天蕩蕩摩青銅紫微將相環西東大鵬一擊九萬里
兩翼不鼓乘長風大鵬飛到天門下天門無不聳觀者
列星退步失光彩九虎低頭若凡馬有鳥決去搶榆枋
望而不見空斷腸青天愈高鵬愈遠豈不有意招八荒
我舍新安來狂歌錢塘市上有無情之吳山下有傷心

之江水春已暮人未歸平生不問鰕魚肥若教買得青
山佳飽食笋蕨歌春暉

對月與念六弟談化作

新月長眉清娟娟照茅舍坐有吾弟俱因得窮造化初
嘆此箇月涵浙復涵灞終憶此箇月古夜復今夜日月
天中行地下亦雙明天地在太虛一點如流萍水輪載
以浮風輪吹不停地譬雞子黃天乃雞子清天半遶地
下天半出地上星辰附天旋晝夜成俯仰吾嘗揮雷鞭

騎龍日宮前整頓朝東皇拜手金烏旁日宮月宮留不
住翻身透過天頂去雙手撥轉赤精毬山河萬象在裏
頭此時見天不見地憶嘗閱盡世間事幾度穿入月之
內幾度穿入天之外幾度天地劫火來只有太虛元不
壞我自太虛觀世間釋迦老子皆等閒

兩宋名賢小集卷一百九十一

欽定四庫全書

兩宋名賢小集卷一百九十二

宋 陳思 編

元 陳世隆 補

方壺存稿二

汪莘

玉堂中廢任宮講希夷惠詩韻

宮講先生句子香晦庵衣鉢有餘芳松篁性本參天直

楊柳情仍庇地長自恨此身真逆旅不知何日更傳觴
山人初自山中出還欲歸來水一方

三月十九日過松江五絕

在家每憶松江好及到松江又憶家
夢見樵青來竹裏笑將漁父插桃花

萬頃烟波短棹飛一雙鷗鳥弄斜暉
如今頻作姑蘇客遙指當年舊釣磯

煎茶徐讀散人傳對酒朗吟漁父詞
除却月風同此意

祗應烟雨暗相知

薰風吹夢聽新蟬又向長橋艤釣船好剪吳松半江水
袖歸三十六峯前

笠澤千波擁洞庭望中七十二峯青待偕龍女乘雲去
占取參天一畫屏

訪楊湖州二首

一道西江隔水雲夜瞻牛斗共天文聖之清必先夫子
仁者勇須今使君天下山川居一半湖州風月占三分

錦囊幸許傳抄去預取蘭香手自薰

苕溪霽溪風景好浙西浙東皆弗如處處堤邊種楊柳
家家門外有芙蓉使君遠繼東坡事處士端宜耘老居
聞道香名來一訪白鬚照水久躊躇

過丹陽界中新豐市

道過新豐沽酒樓不須濯足故相酬華山仙伯徐思看

爭遣遊人識馬周

馬周乃華山
素靈仙官

途中再詠金陵

石頭城上望斜暉
覽盡金陵寂寞歸
嘆息青天如許大
可無一箇鳳凰飛

回至松江

欲向江南採白蘋
杜鵑啼後已無春
洞庭龍女雲中降
手把雙珠笑贈人

深林茅屋隱漁樵
時有扁舟過石橋
誰把客星入圖畫
曉風殘月伴吹簫

曉次長河堰天清
如水風月佳甚

擊鼓行

柳塘有狂士酒闌好擊鼓殷出黃金骨裏淚摻出白玉
心中苦此苦知為何人家寒宵心事亂如麻岑牟肯戴
紅槿帽蹠足不數漁陽撾翻手作春杏開早覆手秋風
葉如掃開元天子是天公那知塵起長安道我今擊鼓
一聲高徹天擊鼓二聲深徹衆天上拂開白日路地瑣
掣斷如飛烟豺狼聞之脰門裂狐鼠粉碎臭滿穴惟有
蒼鱗火鬣雙虬龍繭雲掬雷雨騷屑青天洗出古時青
日月洗出古時明百穀草木催發生鸞鳳亦作簫韶鳴

走上半空望五岳
挿天截海蟠金城
我皇無為人自寧
此時方表鼓中聲
寫作柳塘擊鼓行

訪吳安撫竹洲

憶昔見公十載前
知公即日圖凌烟
而今見公十載後
豈意翻為竹洲叟
黃金照日天門開
夜叉安得生風雷
龍文虎脊君當取
有才不用當誰哉
中原寢廟無消息
塞上無人能殺賊
君王此志二十秋
四海看君閒不得
到高亭山望南北
高峰

每汎西湖不忍還高亭數疊出雲間如今回至高亭路
却望西湖數疊山

日月蓮花歌

余生平好觀日月之象欲詠歌其致者久矣因
閱華嚴有蓮花日光明而玉川子又以黃鍾夜
月為是白蓮浮出龍宮遂合而賦之為日月蓮
花歌云

偉哉天地間誰家兩枝蓮紅蓮一枝瓌子鮮白蓮一枝

雪樣妍兩花徑面各千里壓盡衆草無朱鉛不見賣花
翁不知阿誰擔南隲又北隲不見採花蜂但見烏蟾兩
點追過天津橋那邊有時雙暈更整整有時五彩尤
幾幾有時露下花頭濕有時風起花頭偏五鳳銜入淵
中淵六龍挿入天中天一入一上知何年至今絡繹如梭
穿花斂作昏舒作晝世間未識春前後神農教民作耕
耨唐侯指出兩花定節候唐侯司花方少年朝朝暮暮
長與花周旋苟非其人子莫傳為花揀得花中仙姚家

愛花故不俗花間自鼓薰風曲綵旗幻出芙蓉面晚來
旗脚薰風轉此花不費一錢買付與後來司花作模楷
青春飛過秋飛迴紅白芙蓉花自開曾見堯舜山河去
也見漢唐池館來看花人逐年年改疇昔看花幾人在
惟有阿兄日珠姊月珠坐乘兩花撫四海

程朝望送梅花

昨夜燈前解一杯鄱陽主簿送春來只疑天地無清氣
都在江頭一樹梅

再用韻兩首

長恨無人共一杯
直知好友自天來
淵明到死真成菊
和靖平生却是梅

接得南枝即按杯
似和霜月帶將來
自從驛使相逢後
千載無人解寄梅

重陽趙使君惠酒

何嘗自覓王弘酒
頗怪曾麾道濟梁
處士固應高一著
江州太守味尤長

欽定四庫全書

兩宋名賢小集
卷一百九十二

六

寓清湖橋夜枕聞雨

要識人間過去愁
春宵風雨到湖樓
如今此恨無分處
應有知人在後頭

寄潘倅

靈

夢魂何事練溪濱
起自新春向晚春
紅杏園林催百舌
綠楊洲渚薦重唇
一年好處是寒食
三月水邊多麗人
遙想使君行樂處
牡丹如障草如茵

夜坐有感

前賢相遇是前程不見斯人莫誤行
白面書生那解事只將文字住京城

晚晴即事

君平簾外雨霏霏寂寞何人識
少微怪得湖邊天色好小舟爭載夕陽歸

夏日西湖閒居十首

十里湖山若見招柳堤荷蕩赤欄橋
待他朝市人歸後獨泛扁舟吹玉簫

欽定四庫全書

卷一百九十二

急管繁絃樽俎間何人靜眼對湖山怪來水面無鷗鷺
多在殘蒲落照灣

每嘆西湖境未殊向來人物有還無紅蕖綠竹渾相得
明月清風亦不孤

晚風吹動碧琳寒初見花房露未乾誰道幽人無伴侶
紅蕖萬朵竹千竿

修竹祠堂曲水濱寒泉菊盞久埃塵道旁車馬無心到
似我頻來有幾人

一曲波光徹太虛，四垂碧漢罩湖魚。
游人眼被荷花礙，不覺琉璃泡裏居。

露冷風清斗柄遷，芙蓉零落謝家船。
都人正作黃梁夢，獨占西湖明月天。

清夜湖心把酒杯，花間風月共徘徊。
金鐘何事催天曉，又恐游人相逐來。

醉把青荷當筓笠，亂披紅芰作蓑衣。
漁翁家在蓬瀛上，欲駕蓮舟一葉歸。

藕帶嚼來殊解渴荷香聞得亦忘飢幽人不趣槐花課
收得西湖幾句詩

潘別駕寄牡丹歌次韻

別駕寄我新詩章賞花須賞花中王我誦此詩欲大叫
山川靈氣未始亡憶昔少年健如虎兩脚不住尋奇芳
何曾著眼看桃李天台洞口呼劉郎癡兒騃女意自得
不肯隨我超凡常嵩山洛浦忽入夢秦人漢士俱堂堂
仰天大笑不復道朱宮紫府森開張是自青春二三月

姚家一樹真黃裳其餘牛家魏家種千紅萬碧羅新粧
論花固是花中傑論人亦是人中祥不覺我醉花亦醉
不覺花香人亦香氣高已壓玉筍級骨硬肯羨金釵行
授我以元君之雲篆沃我以王母之霞觴當時跳出生
死窟自此踏倒利名場懷洞庭兮悲瀟湘吟清風兮詠
滄浪仙人擊節相屬和賤子起舞尤顛狂歷聘二十八
列宿遍謁三十六上皇東風未斷薰風起江北吹落江
南藏天葩何年到此土形貌雖減神猶昌濂溪先生誇

金史卷八十二
富貴東坡老子憐忠良不如煎酥煮麪喫大勝三椀搜
枯腸

春懷十首

太皞涵帝德勾芒播皇心羣龍服蒼駕靈雨冒南岑淵
魚自暖躍谷鳥相和吟桃花既夾道麥苗亦成林竹籬
帶夕陽茅舍含清陰白蘋空騁望青楓第傷心况值聖
明代聊以陶吾真寄言同懷子芳醪期共斟

黃鸝占高林蝴蝶戀芳草達人能岸春兒女被春惱和

風吹衣裳白日照懷抱天地為我園衆目一何小東皇
行仲月南極現朱鳥虞帝被袵衣周王在靈沼於飛既
覽德於物亦知道感此彌恨長冉冉以空老

綠水遶北戶白日挂南榮岑樓高中天引領望咸京咸
京望不見遠山與雲橫鸞鳳邈何許燕雀巢朱甍谷風
起將夕偃月哉生明童子焚妙香稚女彈神箏似非今
世曲無乃古人情為言且勿彈吾疾方未平

神遊何邊方夢到迷處所論世非秦漢辨地豈吳楚碧

桃翳楊林翠霞蔭清渚鷄鳴花間鸞鶴將儔侶中有
古玉堂日月光相貯似是重瞳君左右列二女我時再
拜興帝復相爾汝遽然形神開不得意所語

青天夫何長白日又何促吹却幾株花成此一村綠不
嫌春已晚春晚愛不足誰能描晚春隱然在心曲我心
如明鏡萬象相映燭我心如虛空萬物自磨觸斜陽紅
欲滴遠水光可掬中有太古人歌聲出金玉

夕陽下西崦明月出東方清波如有神喬木何蒼蒼簪

玉待魏文跋履從思王奎壁不在天西園爛成章祥飈
遶飛蓋鴛鴦宿春塘絲竹壯高會賓主無留觴憂生惜
日短玩物貪夜長歲寒不易得此道亦足臧

夾鐘應和氣和氣到天中半為枝間綠半為水上紅杖
策南野際鸛鶴摩蒼穹君子有本性不受外物攻那能
學攀桂俯首娉娥宮疎身躡倒景與子凌剛風參旗一
以展櫓槍避其鋒舉瓢酌雲漿歌詩謝鴻濛

魚鼈好在川鳥獸好在山人皆好山水所好非一端君

欽定四庫全書

山陰名勝小景
卷一百九十二

子抱仁智寓意山水間矧乃陽春月富貴相追攀靚裝
散香風纖指撥清彈道旁起深羨有識獨長嘆我亦共
春游所遇得正觀可與達者悟難與昧者談

日釀正天綠風酣麥正秋閒攜稚子輩眷言共春遊芒
鞋過澗壑竹杖穿林丘東西隨所適語嘿頗自由亦有
一樽酒父子相獻酬山花既含笑野草亦忘憂一輪漸
隱隱半規尚悠悠歸路何所嘆古人可與謀

曳杖登春臺萬物含光輝天地豈不大孤雲獨無依我

友在東海古屋弦湘妃昔醉芙蓉浦
今掩桃李扉不見已三年何由會
王畿贈子青玉案報我紫金韉
日暗牛羊下月明烏鵲飛
有生共如此擾擾徒增歎

感白髮

一枕黃粱夢欲殘
死生大海浪漫漫
鬢邊白髮休除却
時向窓前把鏡看

湖上早秋偶興

坐臥芙蓉花上頭
清香長遶飯中浮
金風玉露玻璃月

併作詩人富貴秋

夜興

簾紋如水浸蟾光
睡覺湖邊月半牀
道是廣寒疑不是
月中那得藕花香

泛小舟入蓮蕩微雨即事

水光如錦葉如烟
微雨相從到洞天
翠蓋紅粧無處避
一時挨入木蘭船

偶題

浮雲散盡月孤明
月裏仙人影更清
憶昔相逢不相識
如今同坐復同行

臘月雪後

林下雪消添晚汲
山中日出欠晨炊
先生茅屋春尤早
只有階前碧草知

遷入新居後客至偶成

開禧三年五月

方壺客去偃雲牀
槐柳陰陰日自長
睡起不知天早晚
問人山頂是斜陽

題新安郡圃駐屐亭

駐屐者取杜子美
駐屐欲微香之句

趙恭榮王典郡時創亭名駐屐後其子希遠守

徽一新此亭潘別駕皆有詩遂賦

先王昔牧紫陽城池邊駐屐荷花生先王今居帝青閣
歲歲荷花自開落華榜高垂四十年銀鈎鐵畫蛟龍纏
公來對之不忍去如見先王在眼前願公子孫滿仙籍
相繼此邦森畫戟願君與國為柱石長使邦人歌駐屐

雞離

癸卯孟夏
初三日賦

負清抱黃圓如彈崑崙磅礴幽未判母雞春日宿雞栖
躬抱乾坤入烹煨翼之腹之氣自蒸有時踏轉令交貫
矇矇如困當晝中惺惺無眠過夜半食時莫怪喚不膺
凝然有在應難喚君不見陰陽氣足有超越恍恍惚惚
生神觀數聲隔殼聞淳音一點懸胎脫幽贊母雞慣事
徐啄開可憐毛羽良毳毳却思爾許若為活跼伏性命
能低回啄粟飲水孰教之天機自動曾何疑三三兩兩
旋母脚出入南北相追隨纍然多寡乍磊落條然後先

無定著乘閒疾數數不得往來旁午依前錯聞道輪迴
少安泊謫仙那能被法縛秋山歸來酒新熟呼童烹雞
色自若殺與不殺莫忖度請君注目寒江倚山閣

中秋月五首

今宵何處愜清遊震澤波心太華頭初出海中白紈扇
到來天柱水晶球兔蟾迸作雙輪現金火鎔成一鑑秋
惟有飛仙知表裏入他宮殿又焉廋

對月題詩過幾人不知何句與渠親精神尤向水中活

形狀直須天上真紫磨一輪開作屋桂花千朵所為薪
寒儒老矣心猶在誠念唐虞有野臣

萬派寒芒一道飛陰精盛處遠成圍抱回紅日浴東井
橫截碧天朝太微惟有中秋金正王復當子夜水生肥
溶溶滿掬乾坤髓說向旁人是泄機

吟詩競盡月精微自昔誰明造化機近作金波千道去
遠成玉鑑一團飛陽魂滿處因乾父陰魄虧時是巽妃
笠澤漁舟都不問醉中倒著綠蓑衣

詩人長以月為心對月題詩隨淺深缺比作鉤圓作鑑
白將如玉紫如金鍊丹道士綿綿守見性禪師了了吟
今夜誰家殺風景聒天鼓吹到橫參

瑞粟歌

君不見濟陰九穗禾又不見河南六岐麥何似新安海
陽縣瑞粟一枝超簡冊嘉定四載六月中採來疑是東
極東龍枝鳳冠雲葉叢令人多力善走顏色紅六岐九
穗何足道徑欲一醉敲金鐘趙君不敢留馳以告宰公

宰公不敢留馳以告太守意甚忠嘉定聖人坐法宮聲
色不邇心在農嘉定聖人與天通故產瑞粟昭年豐新
安太守見此喜謂匪奇花異卉同銷金黃羅手自封再
拜獻天門進入開天容吾聞粟有神其姓曰慶天吾聞
粟字制其西曰金堅吾聞粟字釋蓋取陽精相續如百
川請君占所聞可以知開先我賀宰公宰公歸太守我
歌賀太守太守歸我皇極天子大父母願見太平萬古
萬萬古惟有貧儒多不知但願食粟長無飢

贈祁門不老山高法師

鰲山萬仞峙璇霄上有高真道寂寥
跋足壯能軒物表
洗心清不渾塵囂洞天別有風光異
人世那知宇宙遙
雲覆醮壇閒悄悄烟凝仙室靜蕭蕭
步虛韻穩聽晨禮
環珮聲連識晚朝飯啖青精顏色好
詞歌白鶴利名消
囊空阿堵緣辭寵匣蓄干將為斬妖
折角巾多裁氎布
隱居衣盡屏鮫綃神遊汗漫趨蓬島
禹步迴旋指斗杓
九轉丹砂盈日月三千功行繼松喬
密渠細石通泉竇

斜挿疎籬護藥苗。麝香醪斟琥珀甌。壁間修扇閣芭蕉。
蟠桃初熟人爭竊。野菜初生手自挑。花卉得時舒錦繡。
瓶湯娛客奏笙簫。長松夭矯龍千尺。嫩竹琳琅玉萬條。
鳳翅亂峯森洞口。羊腸微徑遶山腰。牀眠癭木肱常曲。
兀坐文藤足屢翹。袞袞騫河傾俊辯。溫溫和璞琢孤標。
我慚未躍三春浪。君去行看八月潮。好把陰功拯存沒。
西歸宜早買吳舫。

春夏之交風雨彌旬耳目所觸即事十絕

石橋南北碧桃香翠葉交柯水面涼終歲方壺無一事
春來也為種花忙

不賦杜鵑三十秋今愁不比昔時愁杜鵑豈是傷春去

為見春來啼不休

淳熙癸卯之
夏曾賦此

夏雨春風窮管仲停雲營木老淵明斷紅池館無人到
猶有黃鸝一兩聲

野水平橋細浪生柴門草長斷人行園林霽後春如在
燕雀鳴時夏正清

即日南風清且微
北窗心靜見天機
林鶯母子聲相應
野蜨雌雄性共飛

春去江南水拍天
經旬茅屋罕炊烟
石牆頽毀板橋斷
始覺貧家氣象全

雷電陰晴共一簾
殘春首夏境相兼
閒尋稚笋今朝長
靜數新荷昨夜添

下簾讀易有深功
一炷清香過日中
赤帝元來協青帝
南風初至似東風

卷一百九十二
槐葉風清鶯哺子麥苗露濕雉尋媒道人不出方壺境
坐見天時去又來

簷前花放不忍折庭下草深仍懶鋤苦雨晴時春已盡
可憐新月挂清虛

兩宋名賢小集卷一百九十二

欽定四庫全書

兩宋名賢小集卷一百九十三

宋 陳思 編

元 陳世隆 補

方壺存稿三

汪 莘

題汪侍郎仲宗北山道院

北門之宅可忘歸北山之山天下稀自非君身有仙骨

安得蓬壺閬苑相因依長松巨柏氣象古紅鸞白鳳交
橫飛翔風萬里促冬日金橘千樹爭光輝樞密曾孫侍
御子天資酷與前人似只今四十未為老不選娥眉壓
閭里道院夜長霜月白豪氣猶餘好賓客早晚春歸花
亂發蜨舞鶯啼亦傷魄此言聊戲爾時事端可惜大兒
只求上上考次兒只用平平策敵運已衰當謝絕西戎
方彊又須索北山人那得閒袖中三尺青蛇斑有客
不知其所往歲暮江頭雪三尺

春晚

曉來雨初晴天宇淨如拭
隔離見花柳春氣亂五色
東君渾不管但為閒者得
我方獵鷗鵬溟南復溟北

佛書載兜率天有內院
道書有赤城朱憲乃帝一
內宅因述所聞

結髮師心內院行紫雲門闕
碧霞城一聲霹靂衝天響
萬點星辰匝地明鼎裏金丹
能虎變牀頭鐵杖帶龍腥
極知富貴非吾事玉簡珠繒
有姓名

自去秋疾作正月尚未全愈曉枕有懷

插柳栽花便滿林
午天蜂蜨曉天禽
老來病損渾無力
報答春光只有心

寒食節有感

江南兒女尚多情
為愛芳晨載酒行
幸自不知惆悵事
鳥啼花落是清明

寒食原頭杜宇聲
誰家勾起古今情
紙錢燒罷人歸後
一樹梨花凍月明

贈張漢卿

徐侍郎在宜春一寓張漢卿朝夕相周旋侍郎起九江即金陵移豫章皆挾以

俱余訪侍郎于豫章與之同處西齋其氣貌如古劍客而得其心真道人也頗有歸興余故作此詩

以贈之

相伴留侯訪赤松
碧桃花下醉融融
玉龍嘶罷還家曉

月照蓬萊第一峰

昌化縣西廣福寺前嶺上有古松一株甚奇每過其下徘徊不能去
今夏五月過之始賦一絕

虎攫龍跼數百秋
灘聲長遶半天流
老僧不與人間事

獨立門前一點頭

孟秋朔日天台劉允叔和叔鄉人陳思敬餞飲錢

塘門外雙青樓上

西湖日日可尋芳樓上凭欄意未忘所取荷花三萬朵
作他貧女嫁衣裳

臘日晚過楊村寫望

萬里溪光一望穿潛魚世界白鷗天若為移得溪光去
落日茅齋相對眠

立春日山行

連山殘雪獻年華
翠黛千層感浪花
天上畫屏描不得
懶移皮屐下鄰家

籬陰

籬陰雙蝶趁春暉
輕展新黃試舞衣
點草撲花如得意
因何相逐背人飛

仲春溪行即事

竹外夭桃分外明
一枝折得遶溪行
春風誰道全無主

蝴蝶飛來花上爭

柳枝詞

縹出絲烟輕裊裊掃成雪帚重垂垂風流舉世無過柳
總合殷勤把一枝

暮春二十八夜枕上有懷

邇來尤覺光陰速晝夜分明似水流却是光陰無變動
漫教浮世有春秋

茅簷環走兩金輪二十九番楊柳春回首半生無覓處

祇應留得見前身

陋居五詠

首篇用太白過
汪氏別業之韻

景風院

昔年浮丘人池館藏一丘
天門騎鹿仙浩氣壓女牛
竭來木正落歌動林塘幽
至今五月花憔悴因郎羞底處
牽白犢超然對清流
景風故隨車為我迴涼秋

池館

文室明松窗水竹相因依
廬橘冬已花日出黃蜂飛
愛

此禪房幽不踏市朝機時觀彼蒼意常與人願違彼蒼
不可會青山又斜暉

竹澗

散髮簞竹中濯足寒澗流太陽正徘徊心與爽氣游活
活走龍鱗鏘鏘韻天球于焉種荷花遙剪西湖秋亦思
百頃綠薰風木蘭丹青鳥飛還來白魚沉更浮竹澗魚
鳥家並覺吾廬幽

蔣徑

穿渠帶幽徑列竹依清流中有好鳥鳴暮鎖星辰稠北
風攪雪花更覺龍鳳道東皇憐歲寒丹白如飛流細履
或得得長歌亦悠悠顧為非蔣卿何以致羊裘

月臺

呼匠琢山骨臨水起月臺一槃古月色竹影涼毳毼竹
影如掃月月色掃不開居然廣寒宮桂枝苦低回便欲
招謫仙娥眉送瓊杯娥眉見梅花思君弄青梅

中原行懷古

漢家中原一百州故老南望空悠悠問君邊塵何足道
坐守畫地如窮愁不共戴天是此讐生不殺賊死不休
諸公但能安身計更無一點英雄氣遂令多士皆沉醉
絕口不復言時事恭惟我君天勇智皦日平生復讐志
秋色平場千萬騎望裏亭亭黃屋至六軍拜手呼萬歲
報恩便欲無生意西風蕭瑟天無雲引領蟠冢愁黃鵠
白衣不得見天子道人何得愁朱門可憐涇渭胸中分
願起沔陽死諸葛作我大宋飛將軍

季夏之末鵑聲不已

念爾殘春啼不休若為春夏抱春愁亦知春去年年事
憶似前時春盡頭

閏十一月東行臘月立春夜秀州船場橋玩月甲
辰正月廿四日出都城廿七日曉行即事

鴉聲欲斷雉聲起柳眼已青桑眼黃故鄉春事正如許
春事只緣思故鄉

乙巳暮春初六日晚對新月

春來風雨耿黃昏
初見青青月一痕
憶自消魂南浦後
不禁描出向前村

中元夜興

東院長廊約二更
風雷送雨正冥冥
忽看電掣金蛇過
照出青天一點青

綠陰

綠陰窗底蔚藍光
習習清風入座涼
五月人間同此意
故知彭澤到羲皇

開禧元年四月自中都挈家還鄉寓居城南十二
月遷居柳溪上其夜大雪初二日蓋宰來訪約過
縣齋為一日款深夜而歸賦此

出郭已超俗住溪尤近真青天素知我白雪便隨人守
道何妨賤藏書不盡貧長懷社中友共發甕頭春

世事偏宜假吾生只認真少知行路惡老愛在家貧寧
接古時鬼怕逢今世人澗松方臥雪野草亦爭春

羣處那相合單棲正自如好言天外事懶讀世間書指

欽定四庫全書

所宋名劇小集
卷一百九十三

八

直筆難把唇濡硯屢噓傾壺有餘漑窺甕得殘菹

每恨投南鵲尤憐向北枝雖蒙今士笑恐有後人思運
火解朝凍噉津充夜飢不來溪上住那得雪中詩

徹骨寒誰覺回骸暖自醒直須人悄悄方得物亭亭性
伏淫三極心閒燭萬靈有僧肥擁腫怪我瘦玲竈

脫命市朝隘側身桑梓深山含首陽色水帶汨羅音中
夜不能寐萬端都上心鄰雞猶未動沙鳥已相尋

茅屋凍將壓柴扉寒不開交朋幾竿竹兄弟數枝梅渡

口月初出沙頭人正迴客居殊自在歲事亦相催
朱減顏逾皺霜添鬢却新文章應捨我富貴不如人照
破生前物思窮死後神謂宜休仕漢何必只逃秦
積雪滴還凍斜陽陰復明千峰濃淡碧一水淺深清
卜猶真祿樵漁亦美名人皆云有命我獨得無生
築室深山裏開門古澗邊月高猿子叫日晏虎兒眠帶
雪挑黃菜敲冰取碧泉不知居士樂空受俗人憐

感秋

年年不是要悲秋
秋氣愁人不自由
誰見江南魂斷處
瀟湘帝子在眉頭

戊申六月間晦菴先生除兵部侍郎

韓范諸公各一時
賢豪久速係安危
從來功業知難就
未敢先賡慶曆詩

八月間書案假寐戲作

四海春風曲肱裏
出入鼻端雲一縷
不知案上清露珠
漏泄傳巖夢中雨

壬子歲雲峰寫望

西極層雲最上層
碧雲峰著白雲棱
六龍頂佩斜陽下
恰似青紗一點燈

三月謝吳子文

為我歸途怯晚風
解袍添我意何窮
念君夜度青松嶺
亦恐寒侵氣體中

訪吳安撫命賦詩竹洲中有靜香亭長堤靜觀齋
舞雩亭

鳳麟敢謂皇家無如公自合應時須何為返駕竹洲隱
只與高堂素壁成畫圖一麾淮海重拜敕老人在南子
在北稱家菽水歡有餘每日乃得見顏色大兒三十心
力到租稅免教官吏逼小兒十五天資敏火耕水耨云
未克竹林茅屋漫讀書我正不蒙稽古力請言竹洲勝
蓀篠相因依紅蓼未妨晚色靜翠篠解過涼陰稀漁童
樵青足驅使夜深醉和風雨歸夢中突兀長堤橫忽覺
單騎游邊城擒王已決千里外邯鄲一枕空崢嶸閒來

靜觀宛殊昨却憐蒲團坐日落偶見始畫天地心從此
鷺飛共魚躍向來天地本來閒獵夫見鹿不見山不然
堤下寒流自太古何人曾作沂水看前日從公洲上語
荻苓期我能同煮未容只作竹洲翁屬聞漢詔求伊呂
游甘露寺

扁舟京口意躊躇北固峯頭淚滿裾聞道昔時兵可用
未知今日事何如傷心南渡英雄盡屈指中原歲月疎
待見太平心始足不妨歸去老樵漁

甲寅西歸江行春懷十首

江行二月正清新無主桃花不戀春
老去情懷甚年少
少年未解惜芳辰

薄晚東風一片巾波光挾日戰龍鱗
尋思來往成何事
只向人間得此人

一層山口一溪斜偃臥東風戀日華
莫把江行生旅思
他年憶此勝還家

香鞵繡輶急朝昏李陌桃蹊不盡樽
滿席落花人睡起

始知春興屬柴門

閒來此意本條然一點清愁出意邊亦似東君無定準
乍晴乍雨惱花天

塞空春意總分明桃李無言却混成剛被幽禽知此意
風前拈出兩三聲

二月湖山把酒中呼猿洞口水涵空醉來剝盡新花蘂
百疊生紅未見風

白晝春光綠染衣東風千里掛帆歸竹籬紅白花相映

金定四庫全書
卷一百九十三
只聽雞聲在翠微

西湖楊柳欲棲烏
遙想溪山似畫圖
二月到家寒食近
未消春境憶西湖

遶屋桃花可得迎
門猶有海棠枝
牡丹未放酴醾小
併入青梅煮酒時

竹洲見寄次韻

朱宮瓦岳鳴汙澤
黃鐘屏古來會通籍
作者能籤整
翁如食橄欖但願回味永
只今竹洲上伏臘仰公廩
玩彼

易外象付此卦中影遙知疎桐下缺月見深省我來如征
鴻愛此沙洲冷他年直紫微夢斷青絲綆舊游倘入念
折簡肯相命新詩蒙剪拂為憐伍膾等駕言攜雙榼卜
日間三徑預約青樽月雲頭開金餅

又叙謝

竹翁惡俗客屢舉却塵扇云何一見我捉手形深耽坐
呼蘭溪酒即取大白勸堦前抱關卒為我顏色變解榻
經兩眠天寒恐冰霰主意厚且真惜別如挽牽握手紫

竹杖眩轉含飛電端作臨水送沙溪清練練還家甫席
暖書到驚一縣特遣贈行詩水剪梨花片且約二三子
同煮竹洲麪豈意古人事乃復今日見理髮叙心曲所
屬加餐飯無事覺晝長明窗試筆硯

慶元五年休寧權縣鄭丞吳山寺勸農次韻

駿馬輕衫拂曉塵野塘春水縠紋生心知沮溺無尋處
猶把津頭問耦耕

鳳凰城裏舊徘徊村裏吳山躍馬來也有旗亭沽酒處

可憐桃柳向人開

八月十一夜作文起夜興

點墨揮毫勢始停
起來耳目共時醒
一窗月色元無響
四壁蟲聲不見形

辛酉正月初八日入郡赴高校書之約二十二日
出西郊即事

竹籬茅屋兩三家
白晝青春自歲華
碧穀水邊搓柳線
綠羅天畔繡桃花

感秋五首

秋水無塵浸碧虛
風前一葉故飛飛
瀟湘帝子何時降
立盡斜陽未肯歸

閒佩仙瓢到柳汀
柳邊一點酒旗星
斜陽欲落無人惜
空有烟林作畫屏

天文柳星
邊有酒旗

行到籬邊菊已黃
相逢不改舊時香
自憐失意秋風後
猶為寒花一舉觴

不須龜筮此生休
死去無心更出頭
莫說竹籬茅屋事

丹楓一樹正悲秋

獨步荒山日欲昏
數聲乾葦過遊魂
重岡複澗穿難盡
恍惚隨人月一痕

夜興

倚天長劍為誰收
欲獻君王鎮九州
世事漫隨紅日下
壯心空逐碧江流
鴈橫西塞偏愁客
菊綻東籬始當秋
抖擻向來塵土夢
便提蓑笠上漁舟

梧竹亭

人家有園種花柳君家有園種梧竹花柳只引蜂蝶來
梧竹能招鸞鳳宿昨君飲我池上亭亭邊梧竹深冥冥
鏤風鏤月已足玩滴雨灑雪尤堪聽君不見梧君昔在
岐山上開花與鳳作屏障又不見竹君昔在渭水陽結
實與鳳充糗糧岐山渭水地差遠頗覺老鳳勞往返成
周已去漢唐空梧亦無根竹無本君家甲第連朱扉碧
梧翠竹相因依千年老鳳嘆何在一旦下集增光輝梧
君竹君喜相遇鳳兮鳳兮君且住老鳳回頭謝二君吾

方高舉青天去

淳熙壬寅仲夏大雨寫望

一朵烏雲起天末
倏忽長驅半天濶
雲頭到處急雨來
雨脚錯落飛河魁
吹以南箕更豪橫
打窗噴壁催吟咏
恰驚瓦上碎珠跳
已快簷前銀竹映
平生不識南箕狀
且看平疇翻翠浪
恍然立我三湘間
欲著扁舟相跌宕
風迴雨霽天地新
良苗斗覺添精神
天意更看七八月
明年無處可打蕨

時飢民競打
蕨根食之

壬戌歲春懷

病起南阜二月時鏡中髻散鬢成絲不因雀噪簷間樹
春雪春晴總不知

抱病衡門與藥親苦無筋力尚精神東風日夜開桃李
不為人間失意人

四月十二日攜家如錢塘二十二日過湖至九里

松船埠頭秦家安泊凡住百日八月還家仲冬題

金德恭東園

昔年曾訪此林垌今日重來倍有情道在山中人不曾
竹風柏日總分明

再到

半近烟村半近城東園花木鎖柴荆我來獨對南山立
始信陶潛兩眼明

野趣亭

晚唐多處士林亭足娛嬉吾鄉盛儒冠何圖可棲遲貧
者有不能富者有不為我窮不出門出門復坐馳此事

我所嘆無地容蛟螭聞君築小亭幽懷正在茲況復扁
野趣未見已伸眉示我野趣詩一軸邀我共賦野趣詩
我思其義浸宏濶操筆引紙頻嗟咨古今何人得野趣
野趣不許凡人窺見君所賦我已會賦我所見君勿嗤
請從大庭栗陸葛天起一片野趣無高卑居不懸金玉
出不建旌旗衣不繪龍鳳食不羅鼎彝人家忘貧亦忘
富鄰里何盛仍何衰蒼顏白髮各自足山圍水繞忘所
之堯舜禮樂民始慕湯武干戈民始疑窮奢極侈到秦

漢沉酣骨髓終陳隋遂令舉世不復野村夫俚婦爭夸
毗我觀宇宙間野趣元不移散殊零落遍處收拾聚
集當時時多年如客棄不采一朝有主來如期君看上
下數千載不多古跡存餘基乃知作者豈俗士後有繼
者須英竒地野背城市屋野堆茅茨草野沒荒徑竹野
成疎籬春野暗桑柘綠野一尺肥秋野明稼穡紫穗三
尺垂禽野不在籠魚野不在池公卿幸不到雞犬亦自
如使我頭得野散髮迎涼颼使我脚得野赤脚濯寒漪

爐野燃生薪器野執素瓷行野昂老鶴坐野蹲孤羅語
野從已出笑野非他隨一盂野飯既不缺一杯野菜尤
相宜一樽野酒罕儔侶只可自飯還自釀善惡吾不言
禍福吾不為黜陟吾不聞理亂吾不知一野萬事野其
野不可追天地不能野不合文理爭哉巍日月不能野
不合照耀光陸離崑崙瀛洲不能野不合琳琅金碧相
撐支不知此心孰賦與一塊太樸元不虧野于萬象不
可飾野于萬事不可醫君不見荷鋤歷山豈非野後來

衫衣鼓琴大風雅荷鋤有莘豈非野後來相湯鳴條金
鼓從天下荷鋤南陽豈非野要與管仲作同社荷鋤粟
里豈非野要作荆軻何如者嗟此四野人野趣不獲真
嗟予有野趣山水長相親動與麋鹿游靜與木石鄰北
方久已失天討周王憤起如有神羽林鉞騎疾風雨赤
幟皂纛摩星辰千金日費豈所憚旱蛇六翼又足殫安
得邦伯皆結輩磊落參錯急保民我有五色線補袞袞
可新我有五色石補天天可春野詩不中貴人讀野畫

不入貴人目朝廷不用野人來自有野雲相伴宿

陸機
桑賦

綠葉興而盈天大葉拾遺七年九月太
原郡獻禾穗長三尺五寸芒穗皆紫也



兩宋名賢小集卷一百九十三

欽定四庫全書

集部

兩宋名賢小集卷

一百九十四至
二百

詳校官中書臣孫 溶

助教臣常循覆勘

總校官編修臣王燕緒

校對官編修臣吳省蘭

謄錄監生臣葛瀛三

欽定四庫全書

兩宋名賢小集卷一百九十四

宋 陳思 編

元 陳世隆 補

雲莊詩集

劉燭字晦伯建陽人與弟韜仲受學於朱熹呂祖謙
第進士歷知閩縣治以清簡庭無滯訟興利去害知
無不為以憂去偽學禁興燭從熹武夷山講道讀書

築雲莊山房為終老之計調贛州坑冶司主管文字
差知德慶府入奏言前者北伐之後執事者不度事
勢貽陛下憂今雖從和議願益恐懼修省開言路以
廣忠益振公道以進人才飭邊備以防敵患提舉廣
東常平召入奏事首論公道明則人心自一朝廷自
尊雖危可安也公道廢則人心自二朝廷自輕雖安
易危也寧宗嘉獎累遷國子司業言於丞相史彌遠
請以熹所著論語中庸大學孟子之說以備勸講正

君定國慰天下學士大夫之心奏乞罷偽學之詔又
請以熹白鹿洞規頒示太學取熹四書集註刊行之
兼國史院編修官實錄院檢討進國子祭酒兼侍立
修注官論貢舉五弊累官權刑部侍郎兼國子祭酒
兼太子左諭德陞同修國史實錄院同修撰時廷臣
爭務容默燭奏乞明詔大臣獎忠謹以作士氣戒諛
佞以肅具僚冬雷燭奏遞選監司以考察貪吏為先
又兼工部侍郎試刑部侍郎夏旱應詔上封事大畧

謂上既開不諱之門下必有盡言之士然或者以為
好名要譽而陛下聽之則苦言必棄之而不恤甘言
必受之而不覺矣前封男爵至是進封子權工部尚
書加兼右庶子每講讀經史至聲色嗜慾之戒輒懇
切再三敷陳之進讀詩之說詹事戴溪讀之為之吐
舌卒贈光祿大夫謚文簡所著有奏議詩藁經筵故
事東宮詩解禮記解講堂故事雲莊外藁

題李立父高遊樓

君家百尺樓近在環堵室室處豈不佳暑溽厭煩鬱著
脚躡層梯心眼便超軼好風天外來佳月雲端出清明
湛空濶洞視了纖悉豈徒快登臨抑可驗學術大哉天
地心昭然本無物世人卑且隘動以私見窒未能脫塵
凡底處識微密羨君有斯樓發以靜春筆知崇與禮卑
二義貫於一燭理要高明復道貴乎實庶幾足目具不
但窺髣髴工夫妙方寸豈假身外役此憤未昭融此屋
空突兀君看希聖徒陋室暗蓬華

上陳縣尹

舊尹龔熊負令名至今天日共清明案頭未有人稱屈
村裏全無吏敢行滿院茶香敲句穩一簾花影韻琴清
後之學者誰其似又說陳公政有聲

金國賀正旦使人到闕紫宸殿宴

榆關玉塞靜無塵嘉定于今第四春兩國交馳通好使
八方國祚太平人翠鼉鼓奏娛嘉客白獸樽浮賞諫臣
聖歷從茲天共遠年年玉帛會楓宸

瑞慶聖節集英殿宴

皇家卜世過周唐
天啟真人應運翔
抱日預占恭邸夢
飛龍曾報皖山祥
翠雲影外來金母
紅霧香中擁玉皇
樂府賦工無以祝
願將金鑑代珠囊

送王子文宰昭武

百鍊成繞指
粹白俄成緇
有初諒非難
其難在終之道
心渺然
粟易為羣物
移不有精一功
誰能勝安危
願言保令德
歲晏以為期

欽定四庫全書

兩宋名賢小集
卷一百九十四

四

平時州縣間上下意若異善書肘後掣有志奚由遂子
今得所從展布有餘地兩賢更戮力萬物應吐氣相期
召杜功奕奕昭來世

東宮春帖子

鶴駕通宵入問安龍墀清曉狎朝班天顏喜見重輪月
春色先回萬歲山

皇帝閣端午帖子

當宁求賢軫慮長每因佳節憶沉湘不須五色紉成線

自有忠言補舜裳

欽定四庫全書

兩宋名賢小集
卷一百九十四

五

兩宋名賢小集卷一百九十四